


Vischnaunca dad Obersaxen Mundaun



Lescha da taglia

Cuntegn

I. Disposiziuns generalas

Object **art. 1**

Dretg subsidiar **art. 2**

II. Dretg material

1. TAGLIAS SIN ENTRADAS E FACULTAD

Pei da taglia **art. 3**

2. TAGLIA SIN MIDADA DA POSSES

Tariffa da taglia **art. 4**

3. TAGLIA SIN IMMOBILIAS

Tariffa da taglia **art. 5**

4. TAGLIA SIN IERTA E DONAZIUNS

Object e calculaziun **art. 6**

Subject da taglia **art. 7**

Liberaziun subjectiva da taglia **art. 8**

Calculaziun dalla taglia **art. 9**

Incassament e responsabladad **art. 10**

5. TAGLIA SIN TGAUNS

Object da taglia **art. 11**

Subject da taglia **art. 12**

Liberaziun dalla taglia **art. 13**

Calculaziun dalla taglia **art. 14**

III. Dretg formal

1. AUTORITADS

Suprastonza communal **art. 15**

Uffeci da taglia communal **art. 16**

Ulteriuras autoritads **art. 17**

2. INCASSO

Scadenza **art. 18**

Termin da pagament **art. 19**

Relasch da taglia **art. 20**

3. INDEMNISAZIUN **art. 21**

IV. Disposiziuns finalas

Entrada en vigur **art. 22**

I. Disposiziuns generalas

Art. 1

Object

¹ La vischnaunca incassescha las suandontas taglias tenor las disposiziuns dil dretg cantunal:

- a) ina taglia sin entradas e facultad;
- b) ina taglia sin gudogn ord la vendita da terren;
- c) ina taglia supplementara e penala sco era multas disciplinaras;
- d) ina taglia sin midada da possess;
- e) ina taglia sin immobilias.

² La vischnaunca incassescha las suandontas taglias tenor quella lescha:

- a) ina taglia sin ierta e donaziuns;
- b) ina taglia sin tgauns.

³ Plinavon incassescha la vischnaunca las suandontas taglias tenor la legislaziun speciala:

- a) ina taxa da hosps;
- b) ina taxa da turissem.

Art. 2

Dretg subsidiar

Aschinavon ch'igl ei buca reglau en quella lescha, vegnan las disposiziuns dalla lescha davart las taglias communalas e davart las taglias da baselgia sco era quellas dalla lescha da taglia cantunala applicadas conform al senn.

II. Dretg material

1. TAGLIAS SIN ENTRADAS E FACULTAD

Art. 3

Pei da taglia

¹ Las taglias sin entradas e facultad vegnan incassadas en pertschiens dalla taglia cantunala semplia.

² La radunonza communal fixescha il pei da taglia per il proxim onn fiscal il pli tard il december.

2. TAGLIA SIN MIDADA DA POSSESS

Art. 4

Tariffa da taglia

La taglia sin midada da possess importa 2 pertschien.

3. TAGLIA SIN IMMOBILIAS

Art. 5

Tariffa da
taglia

La taglia sin immobilias importa maximalmein 2 promils.

La radunonza communal fixescha il pei da taglia per il proxim onn fiscal il pli tard il december.

4. TAGLIA SIN IERTA E DONAZIUNS

Art. 6

Object e
calculaziun

¹ Mintga augment dalla facultad che la taglia cantunala sin ierta resp. sin donaziuns effectuescha suttastat alla taglia sin ierta e donaziuns.

² Las valetas da facultad che suttastattan alla taglia e la calculaziun dalla taglia sedrezzan tenor las prescripziuns dil dretg cantunal.

³ Sche l'assignaziun consista d'ina gudida ni d'ina prestaziun regulara ei la valeta capitalisada decisiva per la taglia.

Art. 7

Subject da
taglia

Il retschevider dall'assignaziun ei suttamess allas taglias, sche

- a) il testader resp. il donatur haveva domicil ella vischnaunca il mument da sia mort resp. il mument dil pagament dall'assignaziun; excepida ei quella part digl augment dalla facultad che secumpona da suloms che sesanflan buca sigl intschess da vischnaunca;
- b) l'assignaziun secumpona da suloms sigl intschess da vischnaunca ni da dretgs reals;
- c) el ha domicil ella vischnaunca il mument dall'assignaziun da premis e da duns d'honor dil Cantun.

Art. 8

Liberaziun
subjectiva da
taglia

Liberai dalla taglia sin ierta e donaziuns ein:

- a) il conjugal survivent;
- b) il partenari registrau;
- c) ils vegnentssuenter, ils figliasters ed affons nutri e lur vegnentssuenter;
- d) las personas liberadas dalla taglia sin midada da possess tenor dretg cantunal;
- e) ils geniturs;
- f) il partenari da concubinat.

Art. 9

Calculaziun dalla
taglia

¹ Per la calculaziun dalla taglia vegnan deduci:

- a) dallas assignaziuns a persunas basignusas CHF 14'000.00;
- b) da tut las autras assignaziuns CHF 7'000.00.

² Ils imports fixai en al. 1 ein indexai analogamein ad art. 114 en colligaziun cun art. 4 dalla lescha da taglia cantunala.

³ En cass d'ina obligaziun parziala da pagar taglia vegnan las deducziuns concedidas proporziunalmein.

⁴ En cass da pliras assignaziuns al medem retschevider entras la medema persuna sa igl import ch'ei libers da taglia vegnir fatgs valer mo ina ga enteifer ina perioda da tschun onns.

⁵ La taglia importa:

- a) per la lingia dils geniturs 4 pertschien;
- b) per las ulteriuras persunas beneficiadas 20 pertschien.

Art. 10

Incassament e
responsabladad

¹ La taglia d'ierta sto vegnir pagada ord l'ierta avon sia repartiziun e vegn incassada en inaga per tut ils artavels e legataris.

² Plirs retscheviders dad assignaziuns stattan buns solidarmein per la taglia tochen agl import da lur enrihament.

³ Igl administratur dall'ierta numnaus ufficialmein ni convocaus dils artavels ed igl executur dil testament stattan buns solidarmein tochen agl import net dall'ierta.

5. TAGLIA SIN TGAUNS

Art. 11

Object da taglia

Per mintga tgaun pli vegls che treis meins che vegn tenius sin igl intschess da vischnaunca sto vegnir pagau taglia.

Art. 12

Subject da
taglia

Suttamess alla taglia ei il possessur dil tgaun. El ei era obligaus d'annunziar ses animals enteifer 30 dis alla vischnaunca.

Art. 13

Liberaziun dalla
taglia

Deliberai dalla taglia sin tgauns ein:

- a) tgauns da polizia;
- b) tgauns da lavinas;
- c) tgauns per persunas tschoccas e persunas suordas;
- d) tgauns da terapia;
- e) tgauns da protecziun da muntaneras

Il s tgauns ston esser certificai e cumprovadamein en acziun.

Art. 14

Calculaziun
dalla taglia

¹ La taglia annuala importa per igl emprem tgaun maximalmein CHF 200.00, per mintga ulteriur tgaun che vegn tenius ella medema casada maximalmein CHF 300.00. La suprastonza communal fixescha la tariffa da taglia per il proxim onn fiscal il pli tard il december.

Sch'il tgaun vegn buca tenius igl entir onn sin igl intschess da vischnaunca, sto la taglia vegnir debitada mo pro rata, denton silmeins per sis meins.

² La taxaziun e facturaziun succeda per tuts obligai mintgamai all'entschatta digl onn.

III. Dretg formal

1. AUTORITADS

Art. 15

Suprastonza
communal

La suprastonza communal decida:

- a) davart damondas per levgiaments fiscals;
- b) davart l'adhesiun a cunvegnas da dretg reciproc dil Cantun en fatgs da taglia sin ierta e donaziuns.

Art. 16

Uffeci da
taglia
communal

¹ L'execuziun da quella lescha sottastat agl uffeci da taglia communal, aschilunsch che la vischnaunca ei responsabla persuerter.

² Igl uffeci da taglia communal ei plinavon responsabels per l'execuziun dallas incumbensas surdadas allas vischnauncas entras la lescha da taglia cantunala.

³ La vischnaunca sa delegar sias incumbensas tenor al. 1 ed al. 2 encunter indemnizaziun a tiarzs.

Art. 17

Ulteriuras
autoritads

¹ En cass da midadas da possess che pertuccan il dretg civil surpren il circuit dil register funsil la taxaziun dalla taglia sin midada da possess, schinavon ch'il prezi da cumpra corrispunda alla valeta commerciala.

² En cass da midadas da possess economicas sco era en cass da prezis da cumpra evidentamein memia bass surpren igl uffeci da taglia communal la taxaziun.

2. INCASSO

Art. 18

- ¹ Las taglias sin entradas e facultad scadan la fin digl onn fiscal. Scadenza
- ² La scadenza dalla taglia sin immobilias sedrezza tenor las taglias directas, sch'ella vegn incassada ensemen cun quellas.
- ³ La scadenza dalla taglia sin gudogn ord la vendita da terren sedrezza tenor il dretg cantunal.
- ⁴ Las ulteriuras taglias e las multas disciplinaras scadan cun la facturaziun.
- ⁵ Cun la fin dall'obligaziun da pagar taglia en Svizra ni cun l'avertura dil concuors scada mintga taglia ni multa immediat.

Art. 19

Termin da pagament

- ¹ Las taglias e las multas disciplinaras ston vegnir pagadas cun resalva dad al. 2 enteifer 90 dis suenter l'entschatta dalla scadenza. La suprastonza communal fixescha il termin da pagament.
- ² Il termin da pagament dalla taglia sin gudogn ord la vendita da terren sedrezza tenor il dretg cantunal.
- ³ Per las taglias sin entradas e facultad e per la taglia sin immobilias incassada ensemen cun quellas sa la suprastonza communal preveder in pagamanet en duas ratas e quei igl onn suenter igl onn fiscal.
- ⁴ Cun la fin dall'obligaziun da pagar taglia en Svizra ni cun l'avertura dil concuors scada mintga taglia ni multa immediat.

Art. 20

Relasch da taglia

- Davart damondas da relasch ed amortisaziuns administrativas decidan:
- a) igl uffeci da taglia communal tochen ad in import da CHF 1'000.00 ad onn;
- b) la suprastonza communal per imports che survargan quella summa.

3. INDEMNISAZIUN

Art. 21

La vischnaunca vegn indemnisada dallas baselgias naziunalas e dallas pleivs cun 2 pertschien dallas taglias incassadas.

IV. Disposiziuns finalas

Art. 22

Entrada en
vigur

- ¹ La radunonza communal ha approbau la lescha presenta ils 15 da settember 2015. Ella entra en vigur igl 1. da schaner 2016.
- ² Cun l'entrada en vigur da quella lescha ein las disposiziuns dad auters decrets che stattan en cuntradicziun cun ella abolidas.

La revisiun parziala (art. 13 lit e ed art. 14 alinea 2) ei vegnida approbada dalla radunonza communal dils 04 d'october 2018. Ella entra en vigur sunter l'approbaziun dalla Regenza.

Der Gemeindepräsident

Ernst Sax

Der Gemeindeschreiber

Hiazint Brunold

Von der Bündner Regierung genehmigt am: 11.12.2018

Namens der Regierung

Der Präsident:

Dr. Mario Cavigelli

Der Kanzleidirektor:

Daniel Spadin

